

IN  
ALMA CHRISTIAN-ALBERTINA  
ORDINIS MEDICI DECANUS  
D. GOTTLIEB HENRICUS  
KANNEGIESSER,

P. T. PRO-RECTOR, CÆSARÆ CELSITUDINIS CON-  
SILIARIUS CANCELLARIÆ, PROF. ORD. SECUNDUS,  
COLLEGII CHIRURGORUM PRÆSES, NEC NON  
ACADEMIÆ CÆSARÆ LEOP. CAROL. NAT.  
CUR. COLLEGA, *TELAMON II.*

DISSERTATIONEM INAUGURALEM

DE

LAPIDIS MICROCOS-  
MICI GENESI

PROXIMO DIE XIX. NOV. HABENDAM

*INTIMAT,*

ET

AD SOLEMNEM

PROMOTIONIS ACTUM

OMNES AC SINGULOS ARTIUM INGENUARUM CUL-  
TORES, HARUMQUE FAUTORES HUMANISSIME

*INVITAT.*

---

KILONII, LITTERIS GOTTFR. BARTSCHII,  
ACAD. TYPOGR.

Pathol. gen.

119, 16.

*De numeratione...*

*Pathology 18*



Duplici, materiali videlicet seu passivo, altero immateriali & activo mens dicto, gaudemus immo conflati sumus principio. Ea propter duplici quoque, alteri animam, alteri corpus pessundanti morborum generi sumus obnoxii. Languescit anima *χαριν αμαρτίας*, marcescit corpus *ενεκα δυσκρασίας*, effingit MEISNERUS. Singulos vero singulas partes corporis adfligentes morborum cruciatus, a naturalibus, partim a supernaturalibus & naturae vires superantibus causis proficiscentes, fascinationes puta, incantationes, aliasque magicas in humanum corpus actiones, qui dinumerare vellet, & oleum perderet omnino ac operam.

Tot ferme corpus, quot sydera in aethere lucent, humanum patitur mala, & ut intus, sic extrinsecus casibus jactatur iniquis. Patriarcharum quorundam ætas etiamsi millenarium fere attigerit, & quamvis PLINIO teste, XENOPHILVS musicus, absque ulla corporis vexa,

xa,

xa, se annis vixisse centum & quinque, sit gloria-  
tus *hist. nat. lib. VII. cap. 50. p. 122.* vix tamen ac ne  
vix largis ita fortunæ muneribus beatus excogitari  
poterit, qui non semel per vitæ cursum Morbonæ  
perpeffus injuriam, cuique non ingenita quasi & con-  
nata quædam corporis imbecillitas. Mox enim ca-  
put, mox pectus patitur & stomachus, mox titu-  
bant artus, mox omnes fragili languent in corpore  
vires, & ferme tot homini morborum insultant co-  
hortes, quot partes in corpore supputantur nostro.

Innumeris vero sensum, vitam & motum facienti-  
bus organis sumus constructi; hinc numero etiam  
major est copia periculorum corpora nostra pre-  
mentium.

ARNOLDVS de VILLA NOVA 2124. PLINIUS  
vero *hist. nat. libr. 26. cap. I. p. 80.* conatur 300 refer-  
re, & Isacidæ 900 computant morbos. GALENVS  
medicorum sagacissimus, soli visus organo 112. ad-  
scripsit nævos; & JOHANNES INGRASSIAS tumo-  
rum tantummodo 230 citat genera.

SENECA Cordubensis philosophus, febrium ge-  
nera numerum excedere effatur. Et si hominem tum  
juxta ejus structuram, tum mixtionem, vi scilicet  
cujus morbis evadit obnoxius, consideremus, vero  
verius est illud DEMOCRITI, quod refert HIPPOCRA-  
TES *epist. 2. ad DAMOGET. totum hominem a nati-  
vitate esse morbum.*

) ( 2

Tanta

Tanta morborum existit caterva, tanta eorundemque est complicatio & implicatio, ut cognitum etiam plurimi sint perquam difficiles; & cum varia eorum sint causæ, signa etiam, quibus morbi conditionem cognoscimus, ex variis desumenda sunt fontibus. Densis enim umbris ac tenebris, idque vel propter partium vicinarum consensum & communicationem, qua malum in una existens parte simul afficit aliam, vel propter effrenes motus & symptomata ferociter savientia, vel propter diversorum incommodorum concursum, eorundemque metastasin & metaptosin, sæpe obvelantur morbi.

Solam hanc, quam examine diligenter instituto ex fonte suo eruere aggressus est ornatissimus ac clare doctus Vir JOHANNES CHRISTIANVS MARTIENSEN Graboviensis, Medicinæ Candidatus dignissimus, lithiasin seu microcosmici lapidis genesis, & quae hinc inde pendent incommoda contemplaturi, tantis illam latebris reperimus occlusam, ut in ejus recta investigatione cœcutiat sæpe oculatissimus.

Publica vero jam exigit necessitas, ut filum ab-rumpamus, & in illius potius, cujus gratia hæc fuerunt prælibanda, descendamus laudes, ac eorum, quæ de ejus natalibus, vitæ ferie, virtutibus, studiorumque progressu habemus dicere, mentionem faciamus honorificam.

Natus

Natus videlicet ille est Grabovii, urbe Megapolitana florentissima; primum aspexit vitale lumen anno 1715 Mense Maji. Patrem colit virum nobilissimum ERNESTVM DAVIDEM MARTIENSEN, Consulem hujus civitatis meritissimum. Matrem JOHANNIS CASPARI MÜLLERI, Mercatoris Neostadiensis Filiam pietate & virtutibus laudatissimam. Avus paternus fuit vir præstantissimus GOTTHARD MARTIENSEN, Negotiator Graboviensis famigeratissimus. Optimos hos ac dilectissimos parentes, cum jam a prima ætatula Filium omni probitatis & virtutis studio mancipassent, ea præcipua attigit cura, ut publica & privata præceptorum diligente institutione, ejus ad altiora præpararent animum. Laudat Candidatus, ex his imprimis Dni. HENRICI LANGII, Rectoris Graboviensis, nec non Dni. AVGVSTI CHRISTOPHORI FERSENII, Collegæ Sueviniensis Scholæ, virorum in rem scholasticam solertissimorum, fidelissimam instructionem. Sed ipsi chari parentes optumam propensionem Phœbeam ad artem in filio cum persentiscerent, non potuerunt quin pharmaceuticæ magistro, GEORGIO WERNERO NIEDTENIO, erudiendum concrederent dexterimo. Positis demum, sub fidelissima manu ductio- ne tanti viri, fundamentis artis hujus firmissimis, hanc ulterius doctrinam expoliendi curam insumsit præcipuam.

Adiit ea propter urbes florentissimas, Tunderam, Stralsundam, Grypswaldiam, Leoburgum &c. ubi locorum per lustrum studio chymico omne prorsus contrivit tempus, donec anno 1739 ingressus hoc nostrum celebre emporium, Musarum sedem celebratissimam. Cum vero eodem fere tempore amplissimae & gratiosae Facultatis medicæ tentamini se se subjecerit, ac suae eruditionis laudanda jam dederit specimina, contigit ut beati STEINII officinae pharmaceuticae praefectus fuerit constitutus, cui etiam muneri, summa cum laude per annum & quod excurrit, eum praefuisse, nemini ignotum est.

Ut igitur ad intima artis sacraria admitteretur, regnante Pro-Rectore Magnifico & summe Reverendo viro D. GUSTAVO CHRISTOPHORO HOSMANN, Eccles. & supremi Consistorii Consiliario, S. Theologiae Prof. ord. & Concionatore aulico, albo civium academicorum nomen dedit. Receptus in studiosae juventutis ordinem, non illotis manibus mox aggressus est medendi artem, sed in philosophicis antea, ex viri Amplissimi Dni. Professoris FRIDERICI GENTZKENII institutione fructus hausit uberrimos; cui etiam virum Amplissimum Dn. Profess. JOHANNEM JACOBUM QVISTORPIUM, Institutiones Logicas BAVMEISTERI & Metaphysicam WOLFFII explicantem iunxit. Probe igitur hisce subsidiis instructus, non spernanda prorsus industria peritissimorum Docto-

cto-

Etorum adiit palaestras ; ex viri nimirum illustris  
CAROLI FRIDERICI LUTHERI, Consilarii status,  
Archiatri & Senioris ordinis medici longe dignissimi,  
*materiam medicam* exponentis facundo ore dogma-  
ta percepit solidissima. Deinde B. LISCHWITZIUM  
*Botanicam, Physiologiam, Splanchnologiam & Osteo-  
logiam*, explanantem sectatus est sedulo. Pariterque  
ex B. ERNESTI GOTTHOLD STRUVE, Caesareae  
Celsitudinis Consilarii Status, Archiatri & Professo-  
ris ord. *Physiologiam & Pathologiam* tradentis, soli-  
dissima institutione profectus suos locupletandi in-  
sumsit curam. Neque etiam possum quin praeter-  
eam singularem ejus in me positam fiduciam ; lau-  
do potius ejus animum, quem mihi semper libens  
praebuit attentum. Me enim Doctore quem sibi  
fere continuum elegit, *Physiologiam, pathologiam  
generalem ac specialem, semiologiam, materiam  
medicam*, integrum etiam quem vocant *cursum  
anatomicum*, cui & *casuale* collegium subjunxi,  
est feliciter emensus. Hisce itaque peractis, sedu-  
litas & laborum mercedem, summos videlicet, qui  
in arte nostra obtineri possunt, sua dexteritate &  
eruditione confisus, debuit efflagitare honores ; de-  
dit ob id nuperrime ad gratiosam Facultatem litteras,  
quibus, ut ad examina admitteretur consueta, petivit  
modeste ; admissus talem etiam sese praestitit, qua-  
lem Ampl. Facultas deinde cognitum judicavit.

Cum



Sächsische Landesbibliothek –  
Staats- und Universitätsbibliothek Dresden

<http://digital.slub-dresden.de/id370147537/8>

gefördert von der **DFG**  
Deutschen Forschungsgemeinschaft